

# Q'ZBEKISTON ZAMINI



ISSN 2181-9955

Ilmiy-amaliy va innovatsion jurnal



2/2019

**O'ZBEKISTON  
ZAMINI**  
**(«Земля Узбекистана»)**  
**Илмий – амалий ва**  
**инновацион журнал**

**2019 йил  
2 -сон**

**МУАССИС:**

**“Ўздаверлойиҳа” давлат  
илмий лойиҳалаш  
институти**

**Бои мухаррир:  
Эркин  
Менглиқулов**

**Таҳрир ҳайъати:**

**А.Х.Абдуллаев  
(ҳайъат раиси)  
Т.М.Абдуллаев  
М.И.Рўзметов  
Б.Т.Норқобилов  
Н.Ж.Бакиров  
Ш.Ж.Тешаев  
Р.А.Тўраев  
Р.Қ.Қўзиев  
Ғ.Т.Парниев  
С.Авезбаев  
Қ.Рахмонов  
Ж.Сатторов  
Л.А.Ғафурова  
С.Абдуллаев  
Ш.Б.Аманов  
Н.С.Хушматов  
А.Р.Сидиков  
Б.С.Камилов  
У.Норқулов  
Х.Намозов  
М.М.Бозоров  
С.А.Ташпўлатов  
Ш.Қ.Авчиев**

**Журнал 2019 йил апрель  
ойидан чиқа бошлиди.**

**МУНДАРИЖА**

|  |    |
|--|----|
| <b>Рузметов М.И.</b> Қишилоқ ҳўжаслик ерларидан фойдаланиши самарадорлигини ошириш ҳукумат эътиборида .....  | 2  |
| <b>Сатторов Ж.С.</b> Сугориладиган тупроқларда учрайдиган салбий жараёнлар, уларни бартараф қилиш, қайта тақрорланишининг олдини олиш, унумдорлигини ошириш ва сақлаши йўллари.....                            | 3  |
| <b>Джуманов Ж.Х., Журакулов Д.О., Ибрагимов Л.Т., Хаккулова А.О.</b> Применение геоинформационных технологий в водных кадастрах .....  | 7  |
| <b>Авезбаев С.</b> Организация рационального использования земельных ресурсов и значение землеустройства.....  | 10 |
| <b>Ниязалиев Б.И., Санакулов С.Ф., Абдуалимов М., Асатова С.С.</b> Карбамид-аммиакли селитра (КАС) ўғитини кузги буғодойда қўллаши самараси .....  | 12 |
| <b>Yuldashev Mirzokhid, Hijaba Ykhanbai.</b> New Law “On Pastures” in the Republic of Uzbekistan .....   | 14 |
| <b>Аманов О.А., Мейлиев А.Х., Қаюмов Н.Ш., Рустам Хасан.</b> Қаттиқ буғодой нав ва тизмаларида ўсимлик бўйи қўрсатгичининг ҳосилдорликка таъсири .....   | 15 |
| <b>Давронов О.Ў., Норқулов М.Н., Фаниев О.О.</b> Сурхондарё вилояти Бойсун тумани ялов ва пичанзорларининг ҳозирги ҳолати .....  | 17 |
| <b>Джуманов Ж.Х., Ибрагимов Л.Т., Юсупов Р.А., Эгамбердиев Х.С., Бегимкулов Д.К., Жуманов Ж.Ж., Хаккулова А.О.</b> Многомерный подход к моделированию фильтрационных процессов гидрогеологических систем ..... | 19 |
| <b>Babajanov A.R., Iskandarov S.I.</b> Fermer xo'jaliklari hududini ichki tashkil etishga innovatsion yondashuv.....   | 27 |
| <b>Файзуллаев К.</b> Геодезия ва картография соҳаси норматив базасини тақомиллаштиришининг концептуал муаммолари .....   | 29 |
| <b>Абдуазимов А.М., Мирзаев Н.Ф.</b> Жанубий минтақаларда соя ўсимлигини асосий экин сифатида етишибтириши агротехнологияси ....   | 31 |
| <b>Жабборов О.А., Мусаев Ж.Б.</b> Тошкент тумани сугориладиган тупроқларининг сифат баъоси ва уни яхшилашига доир тавсиялар .....  | 33 |
| <b>Ортиқов Т.Қ.</b> Дехқончиликда гумуснинг аҳамияти, ўғитлардан самарали фойдаланиши ва тупроқ унумдорлигини ошириш масалалари .....  | 35 |
| <b>Исломов А.Ж., Парниев F.T., Қаландаров Н.Н.</b> Чирчик дарёси водийси агроландшафтларида шакланган сугориладиган бўз-утлоқи ва утлоқи тупроқлар .....   | 38 |
| <b>Ҳасанова Р.</b> Она замин – митти полволари .....   | 41 |
| <b>Шарипов С.Р.</b> Бузилган ерларни рекультивация қилишининг зарурати ва уни амалга оширишда ер тузишнинг роли .....  | 43 |
| <b>Аскарова З.Ш., Холиқулов А.Х., Мирзажонова М.М.</b> НКФУ ўғитларини қўллаши муддатларига боғлиқ ҳолда гўзани қуруқ масса тўплашига таъсири .....  | 46 |
| <b>Adizov Sh.B., Karimov E.Q.</b> O'zbekistonda o'rmonlardan foydalanishda yangicha yondashuv.....   | 48 |
| <b>Vafoeva M., Abduazimov A.</b> Studying the effect of sheet supplies at the initial stages of winter wheat development.....  | 50 |
| <b>Nuretdinova M.I., Jasanova J.M.</b> Qishloq xo'jaligidagi lalmi yerlar .....  | 53 |
| <b>Ботирова Д.Ф.</b> Буғодой уруғининг экши меъерини тўғри белгиланиши ердан самарали фойдаланишининг асосий омили.....  | 55 |

номлар билан аталади. Уларни қўллаш хам қийин ўзлаштириладиган фосфатларни осон ўзлаштириладиган фосфатларга айланишини тезлаширади. Фосфорли ўғитлардан самарали фойдаланиш учун улар агрокимёвий хаританома асосида берилиши керак. Яъни, тупроқда харакатчан фосфорнинг кўп-камлигига караб фосфорли ўғитлар меъёри белгиланиши керак.

Калийли ўғитлардаги калий қийин ўзлаштириладиган шаклга деярли ўтмайди. Калийнинг чўкмага тушадиган бирикмаси ўйқ. Шу билан бирга калий учеб кетмайди. Кам ювилади. Огир тупроқларда ювилса хам, кейин тупрок капилярлари оркали тупрок усти қатламига илдиз соҳасига қайтиб келади. Шунинг учун калийли ўғитлардаги калийнинг ўзлаштирилиш коэффициенти азотли ва фосфорли ўғитларнидан анча юкори ва ўртача 60% ни ташкил этади. Калий катиони тупроқдаги бошқа ( $\text{Ca}^{2+}$ ,  $\text{Mg}^{2+}$ ,  $\text{Na}^+$ ,  $\text{H}^+$ ,  $\text{NH}_4^+$ ) катионларга нисбатан анча актив бўлганлиги учун тупрок сингдириш комплексига осон сингади, яъни тупроққа осон сингади. Бу эса уларни тупрок томонидан ушлаб турилишини таъминлайди, яъни уларни ювилшиб кетишига йўл қўйилмайди. Калий асосан калий хлорид ( $\text{KCl}$ ) шаклида қўлланилади. Шу билан бирга кам миқдорда калий сульфат ( $\text{K}_2\text{SO}_4$ ) ва калий нитрат ( $\text{KNO}_3$ ) шаклларида хам ишлаб чиқилади. Калий хлорид  $\text{KCl}$  ўғитидаги хлор айрим экинларга кучли салбий таъсир кўрсатади. Масалан, ток, тамаки, цитрус экинлари, хатто мевали дараҳтларга хлор салбий таъсир кўрсатади. Калийли ўғитлар қўлланилганда бу ҳолатни хисобга олиш керак. Тупроқда калий миқдори куми кўп бўлган енгил тупроқларда кам бўлади. Огир тупроқларда

алмашинувчан калий миқдори кўпроқ бўлади. Шунинг учун, енгил тупроқлар калийли ўғитларни кўпроқ талаб килади. Калийли ўғитларни агрокимёвий хаританома асосида қўллаш муҳим аҳамиятга эга. Тупроқдаги алмашинувчан калий агрокимёвий хаританомага асосан 5 хил таъминланганлик даражасига, яъни 5 хил гурӯхга бўлинади. Алмашинувчан калий миқдори жуда юкори бўлса кузги бугдой ва гўзага калийли ўғитлар қўллаш тавсия этилмайди.

Органик ўғитлардан энг кўп қўлланиладигани гўнг хисобланади. Гўнгни ярим чиритиб – ярим чириган холда қўллаш тавсия этилади. Гўнгни навбатма-навбат айлантирибдалаларга солиши мумкин. Гўнг обороти гўнг этишмайтган шароитда яхши самара беради. Гўнг гумус миқдорини ошириб ўсимликнинг ўсиш ва ривожланишини яхшилайди, тупроқни озиқ моддаларга бойитади. Гўнг енгил тупроқларда тез парчаланади, чирийди ва минераллашади. Огир тупроқларда гўнгни чириши секин боради. Гўнгни кузда шудгор билан 20-30 т/га меъёрда қўллаш энг самарали хисобланади. Органик ўғит сифатида ўсимлик қолдиқлари, саноат ва маишӣ чиқиндилардан тайёрланган компостлардан фойдаланиш органик ўғит танқис пайтда мақсадга мувофик хисобланади.

**Ортиков Т.Қ.**

Самарқанд ветеринария медицинаси институти доценти, б.ф.н.

**УЎТ: 631.48**

## **ЧИРЧИК ДАРЁСИ ВОДИЙСИ АГРОЛАНДШАФТЛАРИДА ШАКЛАНГАН СУГОРИЛАДИГАН БЎЗ-ЎТЛОҚИ ВА ЎТЛОҚИ ТУПРОҚЛАР**

### **Аннотация**

*В статье представлены результаты исследований по орошаемым почвам долины р. Чирчика. Описаны морфогенетические изменения и агрохимического состояния этих почв под воздействием орошаемого земледелия.*

### **Abstract**

*The article presents the results of research on irrigated soils of the river Chirchik valley. Morphogenetic changes and the agrochemical state of these soils under the influence of irrigated agriculture are described.*

**Кириши.** Дунёда сахроланиш жараёни асосан антропоген омиллар таъсирида рўй бериб, хозирда қуруқлик худудларини 70% ундан азият чекади. Жаҳонда деградация ва сахроланишга учраган ерлар йилига 7-10 млн. гектарга етган. Бундан ташқари, йилига 20 млн. гектар ерлар эрозия ва қўмларни қўчиши таъсирида ўзининг маҳсулдорлигини йўқотмоқда ва тахминан шундай тезлиқда ўрмонларни майдонлари хам кискариб бормоқда. Амалда дунёдаги барча ер фонди у ёки бу даражада деградацияга учраган [1].

Ўзбекистон Республикаси Вазирлар Маҳкамасининг кишлоқ хўжалиги ишлаб чиқаришини мутассил ривожлантириш, аграр секторининг экспорт салоҳиятини сезиларли даражада оширишни кўзда тутган фармон ва карорлар кабул қилинган. Хусусан, сугориладиган ерларнинг мелиоратив ҳолатини янада яхшилаш, кишлоқ хўжалиги ишлаб чиқариш соҳасига интенсив усусларни энг аввало, сув ва ресурсларни тежайдиган

замонавий агротехнологияларни жорий этиш бўйича тизимли чора-тадбирларни кўриш хам кўзда тутилган.

**Тадқиқот обьекти ва бажарини услублари.** Тошкент вилояти Чиноз туманинадаги Й.Охунбобоев номли масивнинг сугориладиган тупроқ қопламлари бўлиб, ушбу ишларни асосини Давергеодезкадастр қўмитасининг Ердан фойдаланиш, ер тузиш ва ер кадастри бўйича меъёрий хужжатларидан [2] ва умумқабул қилинган услублар асосида амалга оширилган.

**Тадқиқот натижалари ва уларнинг муҳокамаси.** Тошкент вилояти Чиноз туманинадаги Й.Охунбобоев номли масив вилоятнинг шимолий-гарбий кисмида жойлашган. Массив сугориладиган ер майдонлари турлича даражада ва типда шўрланган бўлиб, сугориладиганер майдони 2416,0 гектарни ташкил этади (Ер фонди 2018.01.01 ҳолатига). Табиий географик жиҳатдан тоголди кенг тўлқинсимон текисликларида жойлашган бўлиб, ден-

гиз сатхидан ўртача 280-330 м баландлиқда жойлашган бўлиб, зонал-иқлимий жиҳатидан Ўрта Осиёнинг чала чўл зонасининг бўз тупроқлар минтақасида жойлашган, совуксиз кунларни давомийлиги 200-236 кун. Фойдали хароратлар йигиндиси апрел-октябр ойлари ичida 4400-4700° га тенг [3].

Туман тоголди худудлари гарбга томон баландликлар камайиб, улар адирлар занжирига – лёсслардан тузилган текисликларда, кенг дарё водийлари (Чирчик ва Сирдарё)дан иборат. Массивнинг худуди аллювиал-пролювиал ва лёссимон ётқизиклардан тузилган бўлиб, рельефи тепаликлар, сойлар ва чуқурликлар ташкил этиб, Сирдарё дарёсининг I, II, III ва IV-қайир усти террасаларида жойлашган.

Тупрок пайдо қилувчи учламчи даврни турли рангдаги жинслари, шунингдек кенг тарқалган лёсс ва лёссимон жинслар ташкил этади. Лёсслар, тупрок пайдо қилувчи жинслар сифатида тоголди районларида кенг тарқалиб, асосий адирларни, тогости текисликларини, шунингдек Чирчик ва Оҳангарон дарёлари террасаларини юқори (баланд) кисмларини эгаллаган. Улар бўз тупроқлар минтақасида тарқалиб, лёсс жинсларини кўпгина хусусиятлари бўз тупроқларнинг хусусиятларини белгилаган.

Сирдарё дарё водийсининг I-II-қайир усти террасаларида (юқори террасалари билан) деярли қатламли аллювиал жинсларда тупроқлар шаклланган. Дарёнинг юқори кисмларидан қуи дельталарига борган сари, аллювиал ётқизиклар турли қалинлиқда, гоҳо алмашиб, охирги кисмларда майдалашиб (қум ва майда шагалли) боради (Генусов, 1964). Массив худудининг она жинслари келиб чиқишига кўра, қадимги лёссимон ва пролювиал аллювиал жинслардан иборат.

Ўрганилган массив худудлари асосан яссоланган текисликлардан иборат бўлиб, бу худудда ярим намчил тупроқлар кенг тарқалган. Бу типик бўз тупроқлар, баландлик минтақаси(воҳа)нинг энг қуи бўгинида жойлашган бўлиб, кейинги йилларда бўз тупроқларни шаклланишига ва тупрок пайдо бўлиш жараёнларига, ер ости сувлари ва инсонларни хўжалик фаолияти жадал таъсир этмоқда. Натижада, оралиқ “ўтувчи” (бўз-ўтлоқи) тупроқлар массив худудида кўпроқ шаклланганлиги дала тадқиқот кузатувларида қайд этилган (Сектименко, Исмонов, 2004, 2008, 2010).

Ўрганилган массив худудларида вактлар ўтиши билан гидрогеологик шароитларнинг сугориладиган натижасида, тупроқ қопламишининг катта қисмида ўзгаришлар содир бўлиб, бўз-ўтлоқи ва ўтлоқи тупроқларга айланган, кучсиз шўрланиш жараёнларига учраган. Ҳозирги вактда ер фондида бўз-ўтлоқи, ўтлоқи ва ўтлоқи-ботқоқ тупроқлар тарқалган.

**Сугориладиган бўз-ўтлоқи тупроқлар** массивда кенг майдонларда тарқалган ва улар аллювиал-пролювиал ётқизикларда шаклланган. Сугориладиган бўз-ўтлоқи тупроқлар, ер ости сувларини юзага яқин келиши шароитларида шаклланган ва улар келиб чиқишига кўра, бўз ва ўтлоқи тупроқлар ўртасидаги “оралиқ” тупроқлар бўлиб, морфологик белгиларида гидроморфизм жараёнлари аниқ кўринади. Тупроқни кейинги ривожланиши намланиши шароитида боради. Ер

ости сувлари 3,0-3,5 м чуқурлиқда ётади. Тупроқни қуи қисмлари даврий капилляр намланиш остида бўлади. Механик таркибида кўра бўз-ўтлоқи тупроқлар оғир ва ўртача кумоқли, баъзан енгил кумоқли қатламлар учрайди. Бу тупроқлар ювилган, кучсиз ва ўртача баъзан жойларда шўрланмаган. Сувда эрувчи тузлар таркибида хлорид-сульфатли ва сульфатли тиқдаги шўрланишлар мавжуд (курик колдик ўртача 0,230% дан 0,490% гача).

Гумуступроқни юқори қатламларида ўртача 0,67% дан 1,18% гача, тупроқнинг қуи қатламлари томон чиринди миқдори камайиб (0,30-0,40% гача) боради. Тупроқни ҳайдов қатламида чириндини ўртача миқдорда бўлиши бу тупроқлар учун характерли бўлиб, тупроқларни генезиси билан боғлиқдир. Бундан ташкари, тупроқ остида карбонатларни юқори даражада учраши, кулранг ва оч долгарни 60-70 см дан учраши кузатилди.


Харакатчан фосфор бу тупроқларда ўртача 22,0 мг/кг дан 27,5 мг/кг гача, алмашинувчи калий 139 мг/кг дан 288 мг/кг гача миқдорда тебранади. Сугориладиган бўз-ўтлоқи тупроқлар гумус, харакатчан фосфор ва алмашинувчи калий билан кам даражада таъминланган тупроқлар тоифасига киради (1-расм). Карбонатлар ҳайдов қатламида оз миқдорда юқорида таъкидлаганимиздек, қуига томон унинг миқдори ортиб боради. Карбонатлар таркибида карбонат кальций миқдори кўпроқни ташкил этади. Сугориладиган бўз-ўтлоқи тупроқлар ўткинчи бўлиб, ярим намчил (полугидроморф) тупроқлардир. Бу тупроқлар массивни каттагина кисмини эгаллайди ва юқори ишлаб чиқариш кобилиятига эга.

**Сугориладиган ўтлоқи тупроқлар** массивнинг ер ости сувлар юзага яқин келган пастқам ва ботиқли худудларида шаклланганлиги қайд этилди. Механик таркиби оғир, ўртача ва енгил кумоқли бўлиб, кучсиз даражада ва шўрланмаган айрмалар учрайди. Ҳайдов қатламида курук колдик ўртача 0,245-0,390% ташкил этиб, тузлар таркибида сульфатлар етакчи ўринда туради.


Ушбу тупроқларни ҳайдов қатламида гумус миқдори ўртача 0,78-1,39%, харакатчан фосфор 17,0-30,0 мг/кг ва алмашинувчи калий 115-284 мг/кг ташкил этади. Сугориладиган ўтлоқи тупроқлар гумус, харакатчан фосфор ва алмашинувчи калий билан кам даражада таъминланган тупроқлар тоифасини ташкил этади (2-расм).

**Сугориладиган ўтлоқи-ботқоқ тупроқлар** кам ер майдонларида тарқалган бўлиб, енгил ва ўртача кумоқлардан тузилган бўлиб, шўрланмаган ва кучсиз шўрланган айрмаларни ташкил этган. Ҳайдов қатламида гумус 0,53-0,59%, харакатчан фосфорлар 20,0-26,0 мг/кг ва алмашинувчи калий 120-239 мг/кг ни ташкил этади. Ушбу тупроқлар гумус, харакатчан фосфор ва алмашинувчи калий билан кам даражада таъминланган тупроқлар.

**Хулоса ва тавсиялар.** Мазкур массив сугориладиган тупроқларни гидрогеологик шароитлари ўзгариши билан кимёвий элементлар харакати жараёни фаоллашган, тупроқ ва тупроқ ости қатламларининг янги яралмаларни тўпланиши, ер ости сувларини шўрлантирувчи тузлар харакати фаоллашган.



1-расм. Харакатчан фосфор билан таъминланганлиги бўйича майдони, % ҳисобида.



2-расм. Алмашинувчи калий билан таъминланганлиги бўйича майдони, % ҳисобида.

– Сугориладиган тупроқларда шўрланиш жараёни 2012 йил маълумотларига нисбатан фаоллашган. Тупрок шўрланиши химизмига кўра, сульфатли ва хлорид-сульфатли типдаги шўрланишлар мавжудлиги, шундан ўрагнилган худудда сульфатли шўрланиш типи доминантлик килади.

– Сугориладиган тупроқларни харакатчан фосфор 17,0-30,0 мг/кг ва алмашинувчи калий 115-284 мг/кг бўлиб, улар билан кам даражада таъминланган, ушбу кўрсаткич 2012 йил тадқиқот маълумотларида ҳам қайд этилган эди.

– Сугориладиган тупроқлар гумус билан кам даражада таъминланган тупроқларга тоифасига кириб, 2010 ва 2012 йилларга нисбатан 2018 йилда ўзгармасдан қолганлиги аниқланди.

Кўйида келтирилган агротехник ва агромелиоратив тадбирларни амалга ошириш оркали, массив сугориладиган тупроқларни мелиоратив ҳолатини яхшилаш, унумдорлигини саклаш ва тиклаш мумкин [4; 5; 6]:

1. Унумдорлиги паст ер майдонларига бошоқли (жавдар, перко, тариқ ва б.) экинлар ва хайдаб ташланадиган кўк масса (сидерат) экинлари, такрорий дуккакли экинлар (мош, ловия ва бошка)дан фойдаланиш максадга мувофиқ. Богзорларни қатор ораларига (ёки полиз, сабзавотлардан сўнг) сидератларни экиш, тупрокларни микро-

биологик фаоллигини ошириб, тупроқ зичлашувини камайтиради, сув ўtkазувчанлиги яхшиланиб, тупроқда гумус микдори кўпаяди.

2. Кучсиз ва ўртacha шўрланган ер ости сувлари якин жойлашган, унумдорлиги паст ерларга шўрга чидами озиқа ва дуккакли экинларни жойлаштириш юкори самара беради, тупроқ унумдорлиги тикланади, ерларни мелиоратив холати яхшиланади.

3. Сугориладиган тупроқлар фосфорли ва калийли ўйтларни тақчиллигини ҳисобга олиб, тупроқ унумдорлигини ошириш максадларида ноанъанавий агрорудалардан (бентонит, глауконит) фойдаланиш тавсия этилади. Бу ўз навбатида қишлоқ хўжалиги экинлари ўзлари билан олиб чиқиб кетган моддалар ўрнини тўлдиришга катта хисса қўшади.

**Исмонов А.Ж.**

б.ф.н., катта илмий ходим

**Парниев Ф.Т.**

қ.х.ф.н., катта илмий ходим

**Қаландаров Н.Н.**

кичик илмий ходим ТАИТИ

#### *Фойдаланилган адабиётлар рўйхати*

1. Интернет маълумотлари: 2018 й. (Антрапогенная деградация // [www.fao.org](http://www.fao.org)).
2. Кўзинев Р. ва бошқалар. Давлат ер кадастрини юритими учун тупроқ тадқиқотларини бажарии ва тупроқ карталарини тузиши бўйича йўриқнома / Меъёрий ҳужжат. - Тошкент, 2013. - 52 б.
3. Назаров Р.С., Абдуллаев А.Қ., Холбаев Г.Х. Ўзбекистонда гўза агротехникаси, агроқўнимий шароитлари ва ресурслари. - Тошкент: "УЗНИИГМИ" нашириети, 2009. - 49-95 б.
4. Холиқов Б. ва бошқалар. Сув танқислиги шароитида гўза навларини парваришлаш агротехнологиялари бўйича тавсиялар. - Тошкент: ЎзПИТИ, 2013. - 26 б.
5. Ахмедов Ж. ва бошқалар. Гўзани парваришлаш агротехнологиялари бўйича тавсиялар. - Тошкент: ЎзПИТИ, 2010. - 29 б.
6. Ismonov A., Mamajanova U., Kalandarov N. Optimization of irrigated soils of Fergana valley by introducing innovative agrotechnologies. Proceedings of the 111 Tashkent international innovation forum. TIIF-2017 From Innovative Ideas to Innovative Economy. - Toshkent: "Ilmiy texnika axborot-press" nashriyoti, 2017. - 224-231b.